

安
徽
金
石
畧

安徽金石畧

卷四

涇縣趙紹祖琴士輯

池州府

唐麟臺碑

無年月

韋應物撰

在池州

佚

文

載江南通志作韋表微撰

夫子廟麟臺碑韋應物撰在池州

輿地紀勝碑目

碑銘云二儀卽閉三象乃乖聖道埋鬱人心不開
上無文武下有定哀吁嗟麟兮孰爲來哉周雖不
綱孔實嗣聖詩書旣刪禮樂大定勸善懲惡奸邪
乃正吁嗟麟兮克昭符命聖與時合化行位尊苟
或乖戾身窮道存於昭魯邑棲依孔門吁嗟麟兮

孰知其仁運極數殘德至時否楚國寢廣秦封益
侈墻仞迫阨崎嶇闕里吁嗟麟兮靡有攸止世治
則麟世亂則麇出非其時麇鹿同羣孔不自聖麟
不自祥吁嗟麟兮天何所亡

按江南通志云此碑載山東通志而唐詩紀事
所錄特加以池州二字然計有功王象之皆宋
人並謂在池州惟應物表微二名互異未知孰
是竊謂天下夫子廟中皆當築麟臺或碑在山
東而池州摹刻之非計有功所特加也

趙紹祖識

唐題元宗御書記

無年月

張說撰

在貴池

佚

集古錄張說題元宗御書碑御製書字并年月記
及模勒刻字人姓名說所題者大慧禪師塔銘也
輿地紀勝碑目

唐池州大廳碑記

元和八年

裴度撰

在貴池

元和八年齊映爲守日建裴晉公作記於廳壁今
不存又韓贄文寶潘文

輿地紀勝碑目

按齊映於德宗貞元二年爲相至元和八年凡
二十八年而映本傳言年四十八卒是映年未
二十已爲相必無之事度映之卒當在元和八
年之前攷宰相世系表映有弟照曾爲池州刺

史此齊映爲守必齊照之訛晉公之記宋已不
存今池州府志於形勝門載其二語云依貴池
之美據石城之固下註云唐刺史裴度廳壁記
攷度本傳元和八年正在朝爲御史中丞非池
州刺史是又不知此記爲齊照而作也池志以
映度爲相欲援以爲重故沿誤如此而輿地碑
目今祇有抄本亦後人據池志而改照爲映耳
趙紹祖識

唐有待巖記

會昌四年

李方元撰

在貴池

佚

有待巖記李綜書會昌四年在池州

金石畧

有待巖記者李方元撰李宗書會昌四年刻

輿地紀勝

李方元嘗刻碑於有待巖有云秋浦千重嶺而水車嶺爲最奇齊山之泉大小凡十一而半巖爲勝巖壁之號凡十五而有待爲大巖壑凡九而上清爲最洞之號凡十四而潛虬尤清幽遊者徜徉山間窮日之力不能徧覽今歷久而湮蕪不可復攷故錄所傳聞於石

萬歷間池州府志引秋浦志

按樊川集有李使君方元墓誌云鑿齊山北而得洞穴怪石不可名狀刊石於巖下自記其事

是此記爲方元自作而李綜書之也但秋浦志
所載歷久湮蕪等語不類疑爲後人之言而志
誤并述之也又樊川集祭李使君文有幸會交
代之語重起蕭丞相樓記有會昌四年刺史李
方元具材刺史杜牧命工之語是四年正二人
交代之期諸地志多誤方元爲李茺余同年友
陳君梅緣作齊山巖洞志辨之極詳余故歷引
諸書更取樊川集以證其言之確也李綜李宗
金石畧與輿地碑目互異未知孰是

趙紹祖識

唐重起蕭丞相樓記

會昌五年

佚

文載

杜牧撰樊川集

在貴池

記畧云蕭丞相爲刺史時樹樓於大廳西北隅上
藏九經書下爲刺史便廳事大厯十年乙卯建會
昌四年甲子摧刺史李方元具材刺史杜牧命工
會昌五年五月畢丞相諱復實相德宗皇帝焉京
兆杜牧記

唐左史洞述 會昌五年 杜牧撰 在貴池 佚

張祐書在池州 金石畧

杜牧爲池州刺史立左史洞名而張祐書之會昌

五年刻 輿地紀勝碑目

左史謂李方元景業也杜牧之代景業來守故爲

立名而張祐書之

泛舟山浙錄

按金石畧云左史洞述疑有文然觀諸家所紀似李方元曾官左史而洞爲其所得故杜牧以左史名之而張祐爲書洞名攷樊川集亦無此文則僅書名於洞爲是

趙紹祖識

唐池州造刻漏記

會昌五年佚

杜牧撰文載樊川集

在貴池

記云百刻短長取於口不敢於數天下多是也牧太和三年佐沈吏部江西府暇日公與賓吏環城見銅壺銀箭律如古法曰建中時嗣曹王臯命處士王易簡爲之公曰湖南府亦曹王命處士所爲

也後二年公移鎮宣城王處士尙存因命工就京
師授其術創置於城府牧爲童時王處士年七十
常來牧家精大演數與雜機巧識地有泉鑿必湧
起韓文公多與之游大和四年牧自宣城使於京
師處士年踰九十精神不衰某拜於牀下言及刻
漏因圖授之會昌五年歲次乙丑夏四月始造於
城南門樓京兆杜牧記

唐雪霽開講詩

咸通九年
詩與詩集載

鄭薰撰
唐詩紀事

在青陽

佚

雪霽開講詩鄭薰作咸通九年在池州

金石畧

唐雪霽開講詩集古錄鞏疇爲講老子而作咸通

九年楊岩刻石立於九華疇之所居

輿地紀勝碑目

按唐詩紀事載鄭薰詩并其詩序其畧云九華處士鞏疇擅元言之要通易老其於淨名僧肇尤精余在句溪時致之官舍再說易一說老氏寇難作各散去余既休居洛師己卯冬十一月半雪中有客叩柴門樵童視之走復曰鞏處士遂下榻開闢執手話艱苦且哈笑曰聞公不屑榮瘁故以元來助升榻解笈散四書卽易老淨肇也明日講肇論理致明妙遂成二十韻贈之攷詩實作於洛陽己卯是大中十三年蓋至咸

通九年而始立石刻於九華也輿地碑目言之
不詳而池志青陽志皆不載故畧詳之

趙紹祖識

唐池州紫薇臺石刻

無年月

在貴池

存

紫薇臺在寶雲巖後因杜牧得名今存石刻數字
江南通志

紫薇亭三字畫盈陷平眞唐刻也又有懸巖二字
旁署范至完

齊山巖洞志

唐陳鴻斷碑

無年月

在貴池

佚

陳鴻斷碑已失或曰在延慶寺後其碑本末未詳
又卦著二碑亦久失

池州府志

唐馬當山銘

無年月 陸龜蒙撰
載皮陸合刻

在東流 佚文

馬當山銘陸龜蒙文有云言天下之險者在山曰
太行在水曰呂梁合二險而爲一吾又聞夫馬當
彼之爲險也吼乎大江之旁怪石憑怒跳波發狂
日黯風助推牙折檣幸而脫死神魂飛揚殊不知
堅輪蹄者夷乎太行仗忠信者通乎呂梁使舟楫
者行乎馬當合是三險而爲一未敵小人方寸之
包藏

輿地紀勝碑目

唐昭忠廟墨勅

無年月 在銅陵 佚

昭忠廟在銅陵神姓張名寬嘗任晉潯陽太守唐

裴休以墨勅贈游擊將軍又以墨勅封保勝侯及

保勝公今三勅俱存

輿地紀勝碑目

唐孚貺侯廟碑

中和二年

在銅陵

佚

容齋四筆云在銅陵唐中和二年立

輿地紀勝碑目

南唐紫極宮碑

無年月

徐鉉撰

在貴池

佚

紫極宮碑徐鉉文

輿地紀勝碑目

南唐天慶觀碑徐鉉撰碑在池州

天下金石志

宋天慶觀卽南唐紫極觀學士徐鉉有記今改元

妙觀

池州府志

按志則徐所撰記爲紫極觀至宋始名天慶觀

也輿地碑目是

趙紹祖識

南唐康濟廟記

無年月

徐錯撰

在建德 佚

康濟廟記在建德徐錯爲之記

輿地紀勝碑目

宋池州漫巖摩崖三方

存

漫巖在小九華之前有石環幕如門門下有宋吳

說書漫巖二字上有張瓌唐公題名漫巖之南懸

巖上刻齊山二大字乃唐篆世傳齊映書因以名

山者

舊齊山志

漫巖摩崖有三一云張瓌唐公張玘寶臣康定元年九月朔游一云沈立董仲英王仲行華直溫張

俞至和元年五月二日一漫巖二字江湖漫士鮑
延祖立桐栢外史吳說書

齊山巖洞志

宋池州蕉筆巖摩崖七方

存

自壽字巖東行十步許曰蕉筆巖世傳宋張瓌以
敗蕉書壁故名巖上摩崖有七一云慶厯癸未年
仲冬月甲申日

關武

字關二

賜崇

關

樓

關

一云任信

之陳彥謙江子濟袁世弼陶君

關

嘉祐元年冬十

二月廿七日登齊山之漫巖一云張次宗向宗且
夏噩張稚圭熙寧五年十二月春日同游齊山一
云江西黃大臨弟庭堅叔獻叔達子樸桓相槐孫

杰紹聖元年九月辛丑泛舟同來一云洪炎妖彪

關三字和闕年九月一日來觀外家題一云淳熙歲

次戊申五月廿五日重建法堂修造僧正仁幹緣

住持釋慶顯題一云紹熙二年正月乙丑諸孫營

自江西闕伯祖題名闕五太史遺下皆殘闕不可

讀齊山巖洞志

宋池州寄隱巖摩崖十五方存

並招隱而立者曰寄隱巖前有秀峰齊山巖洞志

巖本名上清右轉登寄隱亭太守吳中復名四面皆翠石

有小巖刻寄隱巖三字其前有熙寧甲寅重陽日

太守劉黻思甫題名

迂舟山浙錄

寄隱巖在上清巖東北百步許有亭崖上有齊山
二字八分書世傳宋包公拯所刻又一小巖有寄
隱巖三字

圖畫志

寄隱巖摩崖多至和元祐紹興淳熙題名一云寄
隱巖齊山之東谷至和二年郡守吳中復始名章
友直書篆書一云至和乙未十一月寄隱亭成殿
中御史吳公被召還臺監郡吳瑛尙書外郎朱言
同餞於此章友直題一云至和丙申歲七月二十
三日廬江包拯希仁富水吳幾復照鄰王緯德師

同游寄隱巖旁署知府何紹正重刻一云元祐辛

未六月晦日毛漸正仲攜家游男琳琛侍行一云

閻邱和至此宣和壬寅歲清明後一日一云蔡擇

何逢原范寅紹興丁卯二十一日

左讀

一云向仲堪

徐梓沈詠徐槩紹興戊辰閏八月二十九日同游

一云

闕三字

稱鍾峰祖美龜章無澤同游紹興戊辰

一云睢陽徐恭來游紹興戊寅二月庚戌男延

闕下

六侍行一云陳聖咨奚公才范元義弟元寶丁酉

十一月十五日同游

無紀元

一云淳熙甲辰二月癸

酉郡守陳良祐率其屬孫昌言蕭忱舒光張崐呂

宜問顧時大周禮史端祝致一韓流游齊山登翠
微厯小有探左史而歸一云鄱陽張稜開封趙師
密會稽僧志南淳熙甲辰孟冬十日同游一云淳
熙己酉清明前一日顧冲王晞德張孫厚趙夢極
張孝章周準同來齊山小篆其一刻劉鑑遊寄隱巖
詩在秀峰詩云攀蘿挽葛上崎嶇筋力疲時闕二字
頻崖谷雲封闕窅窅石林苔潤闕嶙峋餘生轉徙
爲羈客無處安排著老身喜有巖扃堪寄隱平生
况是箇中人末署建安劉鑑紹興辛未九月下泮
游齊山寄隱巖齊山巖洞志

宋池州上清巖摩崖七方

存

上清巖摩崖有七一云至和乙未夏四月轉運使

唐介子方知郡事吳中復仲庶通判州事吳瑛德

仁二十三日同游一云郡太守襄陵鄭雍公肅帥

吳興劉述孝肅莆陽許懋敏修江南夏

闕

公酉同

游時熙寧辛亥歲仲冬朔日述一云傅變志康蔣

之奇穎叔元祐元年十月三日同游齊山之上清

巖一云曾孝蘊處善張璉伯器劉師明晦之宋行

中正仲陳知存性父大觀己丑暮春改旦游一云

吳儀鴻漸趙不已德孚王彥純孝原吳惇君裕張

諭君俞楊公懋仲勉大觀四年閏八月廿日同至

齊山趙霆公發書

篆小

一云淳熙甲辰四月幾望營

邱子因訪隱靖故遊而至此一云嘉定庚午十月

三日山陰莫子希來遊

齊山巖洞志

按仁宗本紀吳中復以至和元年七月被謫其
本傳言出判虔州未至召還未嘗言知池州觀

此足補宋史之闕

齊山摩崖辨

宋池州華蓋洞摩崖四方

存

龍眠岡東爲華蓋洞原名石燕摩崖有四一云江
東提刑郎中陳希亮池陽太守郎中沈立同提刑

供備曹涇至和甲午仲秋廿六日偕游齊山石燕
洞謹題一云江寧秦城新安胡思誠白鹿楊日新
齊安鄭炤之紹熙改元孟春二十有五日同游又
一行云後八日興河朔岳綱江寧秦城再來一云
東陽章棣紹熙壬子偕弟概木兒初孫道人錢文
用來游其一則華蓋洞三大字旁署嘉定壬午孟
夏既望古鄧月湖史定之書

齊山巖洞志

友人陳梅緣以所著齊山巖洞志贈余自云住
山月餘日攜筆墨徧索而書之余初疑焉道光
六年余爲秀山書院山長舊友王帶渚約遊齊

山一日之間徧歷諸巖谷固不能盡識然所見者已十之八九矣始深信梅緣之不誣也惟華蓋洞以稍遠不能至故記之於此

趙紹祖識

宋池州定力窟摩崖

存

定力窟在大石谷前其文曰太常少卿馬尋屯田外郎勞任呂淵虞曹外郎朱言衡尉寺丞吳瑛同游至和乙未正月十九日知郡事吳中復題

齊山巖洞

宋池州九鼎洞摩崖二方

存

一云道淵熙寧丁巳六月初六日游男之

闕

之才

侍行一云集仙洞嘉祐三年三月辛未朔貴池令

許聞義書

齊山巖洞志

按巖洞志云攷周必大泛舟山浙錄九頂洞嘉祐中因太守王哲易名仙賢宮又按志言太守張士範得斷碑於九鼎洞題詩碑右然但錄士範詩而不言碑爲何時何人所立攷詩有昔聞陳鴻有斷碑之句然鴻斷碑久佚疑非是須尋其碑核之

趙紹祖識

宋池州通幽處摩崖二方

存

寶雲巖稍前曰通幽處摩崖有二一云詹適道鄭

冲祖楊正甫楊平叔曾正臣何伯玉元豐已未立
冬日游一云慶元丙辰二月十一日姑蘇周南來
爲郡文學明年七月十三日報罷命未下挈家齊
山八月十九日行

齊山巖洞志

攷宋史黃度傳寧宗初度知婺州坐不發覺縣令
張元弼賊罪降罷媚周南字南仲平江人登紹熙
進士授文林郎池州教授坐度併罷俱入僞黨開
禧三年召試館職對策詆權要又劾罷之而李踐
齋齊山志謂周南任池州教授知隆興府黃度媚
也度以言忤當路御史劾度併南罷之與南俱入

僞學開禧三年召試館職南對策詆權要言者劾
南報罷命未下挈家齊山余觀通幽處摩崖在慶
元三年七月其先於召試館職也十有一年詎可
敘於開禧末耶况齊山在池苟非爲教授時何從
挈家於此卽度爾時知婺州而作知隆興府亦誤
齊山摩崖辨

按摩崖與史正同此祇是辨李踐齋之志非辨
摩崖也踐齋名燾康熙末爲貴池令

趙紹祖識

宋池州化城窩摩崖

存

左史洞尾一竅通化城窩窩中舊有李景業讀書

臺其摩崖云林庇民馮彭年汪致道同游左史洞

紹興九年十月廿

闕

日題

齊山巖洞志

宋池州招隱巖摩崖三方

存

過通幽處則招隱巖摩崖有三一云祝熙載章望

之許聞義遊

無年

一云紹熙辛亥上元日章德懋

下闕

八分書一云吳僧

闕

奩

闕二

紹熙元年九日

來登齊山歷

闕

巖洞篆書又有招隱巖三篆字少

華山人題

無年月

齊山巖洞志

宋池州竇雲巖摩崖

存

路左兩石對峙曰竇雲巖其文曰

闕

楊張君宅臨

川王子端

闕

河王履道古

闕

趙德澤

闕

章樓賜村

吳興朱開先

闕

興郭允心魏郡郭紹先

闕

字二范子

淵慶元己未修禊日聯騎來游八分書

齊志山巖洞

宋池州石鼓洞摩崖三方

存

妙空巖之上爲石鼓洞摩崖有三一云開封斛德

元玉

闕

趙執禮建安

闕

嘉善東蒙

闕

三

紹興丁丑

闕月

闕

日同游一云湯元識元廣橘仲喬高元鎮

以紹興戊寅端午前一日同景德懃化待來游一

云元羲元贊聖咨公才丁酉季冬六日來游

無紀元

齊山巖洞志

宋池州壽字巖摩崖五方

存

壽字巖本名新巖宋張時修刻大壽字於上因名
壽字高一丈一尺廣一丈張時修書右有朝奉郎
通判池州軍州權州事趙愛重刻十六字

齊山巖
洞志

摩崖有五一云郡丞斛公解組還朝餞別於齊山
者十有九人顓子固張公珪岳毅叔劉之升孟冲
之王伊仲陸子東劉問遠戴文舉馬仲明孫祖慶
張彥通向思謙周旭初白舜臣季子大陳平初朱
有功紹興己卯仲春三日向開初書

八分

一云蔽山

王鐸

下闕
三字

李

闕

能

下闕
二字

開禧元年九月廿一日來

游一云紹定改元五月廿八日長沙趙范會

闕浙

東鄭拚與

下闕二字

鑰姝

闕

建安吳沂趙郡輔叔章南

康劉開於齊山歛宴終日樂也

下闕三字

公私

闕樂

有以見

闕

郡之政之和未易得者鄭損書而刊之

石一云嘉熙三年春分日高沙龔基先約廬山江

萬里古峴楊義吳郡陸德輿儀真沈興

闕

沙潘津

會稽

闕

遇順錢塘葉德新新安金應孫四明孫願

質全游一云齊山爲池陽勝槩高沙龔基先平叔

舊假守是拜嘗屢履茲巉巖去之十載強圉協洽

被命再領郡檄節踰年如月驚蟄後十六日偕郡

佐雪川趙汝浥德

闕郡

嘉

闕

佻壽

闕

邑令毗陵趙

希楊宗良郡

闕字

宣城奚雲飛鳶召勸相東作於

闕字

坐山之密是日膏雨霖霖雷始發聲因感泉

石之如舊而歲月

闕

易

闕

也

闕

氏各於石

齊山巖洞志

宋池州小九華摩崖

殘

闕不可讀

按小九華在九頂洞北此刻爲紹興戊

闕

年二

月三日紹興有戊午戊辰戊寅不知爲何年矣

趙紹祖識

宋池州左史洞摩崖四方

存

左史洞摩崖有四一云韓元吉無咎李庚子長乾

道丁亥十月十七日同登齊山歷覽諸洞一云東

陳章棣偕弟槩木兒初孫以紹熙壬子春到一云

紹定己丑四月庚戌

闕

易董孟博君毅清江徐岷

子原張柵溫叔張

闕二字

叔張

闕二字

叔張

闕

叔自

城下泛舟同游其一則左史洞三大字旁署嘉定

壬午孟夏既望古鄧月湖史定之書

齊山巖洞志

宋胡君墓誌銘

慶歷七年

文載臨川集

王安石撰

在銅陵

誌畧云治鄴三月故人胡舜元凶服立於門揖入
問弔故則喪其父五月留而館意獨怪其來之早
也居數月語吾弟曰吾釋父之殯從子兄於海旁

欲得子兄誌銘藏之父墓吾弟以告爲之誌而銘之君諱某池之銅陵人生於興國丁丑卒於慶歷丁亥子七人某以十月葬君於谷垂山

宋池州中和堂記

無年月

盛約撰

在貴池

佚

按池州府志云中和堂郡齋也記今佚惟形勝風土二門中引其數語有云清溪南來九華東引洪流環繞沃野彌望又有云民淳氣和衆貨畢給雖人物稠夥而有訟不歸租賦浩穰而聞令必集

趙紹祖識

宋池州思政堂記

嘉祐

三年

曾鞏撰

在貴池

佚

文獻南豐類集

記畧云尚書祠部員外郎集賢校理太原王君爲池州之明年治其後堂北向命之曰思政之堂謂其出政於南嚮之堂而思之於此也其冬余客過池屬以記之嘉祐三年冬至日

宋清溪亭記

治平三年 王安國撰
文載池州府志

在貴池 佚

記畧云清溪亭臨池州之溪上隸軍府事判官之府而京兆杜君之爲判官築於治平三年某月日余未嘗游於茲而吾弟和甫爲其僚乃因和甫請而爲之記

宋西峰銘

無年月

沈敞達撰

在貴池

佚

按陸放翁入蜀記云光孝寺有石刻沈叡達所作西峰銘文辭古雅可愛恨非其自書也叡達名遼錢唐人宋熙寧時以書名家故放翁云然

趙紹祖識

宋繁昌縣尉董公墓誌銘

元豐元年

在建德

存

按墓銘董名之奇字夢錫宋仁宗時中明經兩科授虔州贛縣主簿再調太平州繁昌縣尉卒於元豐元年年四十有七葬於石門鄉堯坑裏

卽今建德縣治

東門外雷公尖之麓

妻馮氏附窆焉迄今七百餘年其後裔

亦無攷嘉慶二十一年五月時值晴朗日將午雷

安徽金石畧

卷四

聲忽作於堯坑地猝陷丈許尋聲求之見磚封中有碑石墓銘讀之知爲董君墓邑人因鄉先達之無祀爲之崇封而歲祭焉

建德縣志

宋天章閣侍制滕公墓誌銘

無年月
在青陽

范仲淹撰

滕宗諒墓在青陽縣東金龜原范文正公撰墓誌

銘

池州府志

宋新修昭明太子廟碑

元祐元年
貴池佚

鍾世美撰
文載貴池縣志

記畧云元祐元年夏四月貴池之人相與謀曰今國家承平山無狼虎野無盜賊年豐屢登民無疫癘此非獨上治之仁郭西之神力居多也而廟貌

不莊齋祀不修無以報稱於是極力經營經始於
元年七月落成於某年某月世美筦庫於池邦人
屬以記之

宋玉峰壽字刻

無年月

在建德

存

玉峰山在建德縣南半里許其石光瑩如玉宋邑
人嚴華得漢武帝嵩山石刻壽字摹勒山半名壽
字崖

池州府志

按千奕正天下金石志嚴華作嚴華未知孰是
趙紹祖識

宋觀音巖題字

無年月

在貴池

佚

程正輔蔣穎叔題在池州府治

天下金石志

宋給事中檀公墓誌銘

紹興十七年
建德侯

曾慥撰
文載建德縣志

誌畧云公諱倬字明可大觀三年賜上舍出身授
霸州司法參軍復中周禮魁除太平州學教授累
除中書舍人兼修國史多所發明屬輪當轉對力
陳時弊左轉奏議郎帝心嘉其直旋遷給事中時
相罷政以從官例提舉江州太平觀淵聖皇帝卽
位復集英殿修撰艱歸除喪改杭州洞霄宮今上
登極建炎三年召赴行在未至言者論公命亦中
輟紹興三年復徵猷閣待制提舉西京嵩山崇福

宮族中與人仇訟者忘稱憑公勢坐削職十七年十一月五日跌坐無疾而逝年六十二復原官追封高平縣開國伯明年論葬於本邑龍泉之原子師良宣和四年大禮恩補承務郎

宋建廣利橋記

淳熙五年馮勉撰
文載建德縣志

在建德 佚

記畧云歐陽氏世爲堯臣甲族所居里有曰杜屋者路斷而迂溪深而隘素乏徒杠人皆病涉粵有元善歐氏之白眉也紹興癸丑率衆建歐陽橋庚辰又建烏龍橋且曰杜屋無橋吾將新之甌石悉備歲忽龍蛇事悉寢越時久而元善長孫茂林者

歎曰吾祖往而未有繼其志者吾其可以已乎於是發誠募建羣工畢集樂成之日茂林乃曰杜屋之名未副其實今橋近廣利王廟址四方行旅如履康莊橋之爲利不廣矣乎故更之曰廣利俾子敘其事以記之
昔淳熙戊戌十二月記

朱建德縣普門嶺刻字

無年月

在建德

存

朱子書刻嶺上

天下金石志

宋葉君墓誌銘

淳熙九年
文載水心集

葉適撰

在貴池

佚

誌畧云君諱梓字元材池州貴池人父薈有兄早死聚諸子自育之君以爲食將不足始治吳塘田

地令家不得妄費衣食不得私有衣食一錢以上
必均有餘頒親友乏儒者力田各擇所任授之弟
楠森同時爲鄉貢進士而楠及進士第君卒於淳
熙九年七月十一日葬於吳塘妻汪氏祔焉

宋葉君墓誌銘

淳熙十五年 葉適撰 在貴池
俠 文載水心集

誌畧云君諱權字元立生五十九年淳熙十四年
十月卒明年二月葬其縣長壽鄉清名山原上君
三世二百人不別盤案而飮百年矣始君兄梓死
余銘其墓今君死復以請余重銘之不辭所以勸
天下之爲家者也

宋八桂書院記

淳熙十五年

陳太昌撰

在貴池

佚

宋八桂書院在府城市心街淳熙戊申提舉周必正建以庭植八桂故名尙書陳太昌記今佚後改

爲貢院

池州府志

宋江東提舉司湖山樓記

開禧二年

程泌撰 在貴池 佚 文載沼水集

此宇文紹彭爲江東提舉司於池之治所作堂曰秋浦堂上結樓曰湖山而程泌銘水爲記之也紹彭字信臣蜀之成都人 趙紹祖識

宋秋浦樓石刻

在貴池

佚

趙范刻東坡詞山谷字於石壁

天下金石志

宋青陽縣重建協濟祠記

嘉定間
陽佚

許介撰
文載池州府志

協濟祠在青陽縣南二里望仙墩舊傳神曾姓孫
吳時人兄弟避兵入九華沒而爲神也祠不知所
自建宋大觀四年賜今額嘉定中邑令許介重建
有記

池州府志

記畧云自青陽治南行三十里有山名九華神人
居焉能陰能陽能翕能張能返饑人之魂於粒米
狼戾之場國人用是春秋伏臘祀之如先而距神
之宮道遠莫獲展布弗滿於心神人哀之陰勅二
士指南山之岡始定址焉民卽而廟之名之曰望

仙之墩中更回祿不可旋拜介蒞事之三日爲禮
一行視廟貌弗嚴規摹故基築而廣之始於甲辰
仲冬成於乙巳仲春遂爲之記

按甲辰乙巳是淳熙十一年十二年非嘉定也
據府志秩官門許介於淳熙十一年由繁昌尉
陞任與記合府志此云嘉定中誤也記所載頗
怪異不經蓋徇俚俗傳聞之語爲之

趙紹祖識

宋范文正公祠堂記

無年月

丁黼撰

在青陽

宋范文正公祠在青陽縣東二十里長山青陽令

丁植建以天章閣待制滕宗諒配

池州府志

記畧云范文正公爲宋名臣凡宦游處莫不有祠池陽雖非公所仕之地而亦祠之學宮蓋以其少長於長山朱氏也天台丁君來宰池之青陽討究前賢遺事長山去縣僅十五里朱氏之族故在遂訪求其家得公之續譜遺墨及公與母謝夫人之畫像委故人程君燭過黼而言曰將爲祠堂願有述焉黼不得辭今君又云去長山數里有待制滕公子京墓公與滕爲同年進士欲以配祀遂并書之云

宋玉鏡潭刻字

端平元年

在貴池

未見

玉鏡潭有二一在江祖潭數里許一在郎山趾有
石刻玉鏡潭三字旁題端平甲午毅齋陳應直書

並立 池州府志

宋褒忠廟記

嘉熙元年 吳泳撰
文載池州府志

在石埭

未見

宋勅建褒忠廟舊在石埭縣舒溪祀四川制置副
使兼知成都府事死事諡恭愍丁公黼後燬於火
明嘉靖中知縣葉照復建於縣溪西里 池州府志

記畧云歲嘉熙丁酉天子制詔故成都守臣副四
川制置使丁黼賜諡立廟諡以恭愍廟以褒忠旌
死事也其子鎔拜手稽首祇服厥命且申拱於朝

曰先臣以寇兵之難血膏原野若廟於益州則萬里隔絕夙夜難忘祀欲躬自度材營建於家以致孝享制曰可遂景乃岡諏日庀徒於華封之側石埭之陰新作闕宮移書潼川吳泳曰子蜀人也請識其事余旣紀實作迎送神詩俾歌以祀云

宋建李翰林九華書堂記

嘉熙元年
在青陽

佚 吳夢祈撰
文載池州

府志

記畧云初翰林之辭官也訪道江漢遙望九子峰顧而樂之會故友韋仲堪宰是邑乃卜居焉加以九華之目其居介乎龍女泉之側南渡以來夷爲

張氏之邱嘉熙初蔡君元龍來尹是邑訪其遺迹
始於成化寺之東偏草具其堂焉是役也令尹實
肇其謀吳君洪與弟忠振實任其事令尹字驤甫
淮之無爲人未弱冠爲名進士

宋嘉祐寺追刻南唐題妙空巖三詩

景定三年
貴池存

在

和龍山在貴池西六十里有唐靈慶院宋更名嘉
祐寺西爲妙空洞卽今一指庵有宋景定壬戌碑
追刻南唐刺史王繼勳邑尉王暉及陳常儀三詩
按皇甫繼勳見南唐書今碑作王或係追刻時所
訛非有兩人也碑今存一指庵缺數字

池州府志

按志云碑存而但載王繼勳王暉二詩而不載

陳常儀之作不知何故

趙紹祖識

宋南泉承恩寺記

無年月

查革撰

在貴池

佚

南泉山在貴池西南七十里唐貞元十一年普願和尚創寺山之陽大和元年賜額南泉承恩寺有

宋查革碑已斷

池州府志

宋池州通判趙文節公暨順義夫人雍氏墓道碑

德祐

元年

在貴池

未見

宋通判池州贈華文閣待制諡文節趙昂發暨配順義夫人雍氏合葬墓在府城南七里碎石嶺元

丞相伯顏封冢木盡連理其墓道碑在齊山山川

壇南

池州府志

按薛應旂續通鑑公名卯發字漢卿昌化人淳祐十年以上舍登第仕池州府通判德祐元年二月庚戌元兵犯池州州守王起宗遁卯發攝州事元兵薄城卯發書几上曰國不可背城不可降夫婦同死節義成雙遂與妻雍氏同縊於從容堂伯顏入城深歎息具棺衾合葬祭其墓而去事聞贈華文閣待制諡文節雍氏贈順義夫人卯發池州府志貴池志皆作昴發當爲是

也 趙紹祖識

元銅陵縣尊賢堂記

無年月 徐觀撰 在銅陵
未見 文載池州府志

記畧云唐翰林李太白讀書於五松山宋王安石
藏修於大明寺蘇東坡黃山谷會遇於陳公園以
言乎地產之賢在王安石時則有舜元胡公字叔
才者與安石同硯席登進士官著作上書詆新法
歸老邱園既卒安石作詩輓之以言乎邑宰之賢
在淳熙時則有三山林桷字子長者後則有東浙
潘鎬字叔剛者其政伯仲子長緬惟諸賢後先輝
映至元初令尹陳伯奎參諸誌牋得七人焉因其

官著其名號奉神主附祀於廊廡之東率諸生行
釋菜禮復書尊賢以匾之

元池州路建總管府記

延祐四年
賁池佚

胡文虎撰
文載池州府志

記畧云自甲午至今僅二十四稔兩罹戍庫遺漏
之厄幸總管濟南王拱子玉等經始究度詢謀僉
同將營卒原占府地開拓基址以復其舊因遣賁
池縣治及錄事司並立於譙門之內凡簿書期會
往來行移甚得其便落成之日公召耆儒告之曰
吾率作興事視前哲不無厚顏未敢贅疣於三賢
壁記之後子姑爲我識工役之歲月云爾

元青陽雲松堂記

至順三年

翁景祥撰

在青陽

未見

文載池州府志

記畧云至順三年邑長官忽先以監造留金陵大尹張裕判官忻都沙相繼之任三月既望邑民方采掘地得石有篆刻山水文衆異之邑吏胡森以告公暇而往拂拭摩挲見雲松二大字乃丁令尹取太白詩語以名室卽今後堂之扁也因命昇至堂後以復榮觀

按太白有望九華贈韋仲堪詩結句云君爲東道主於此卧雲松扁取於此

趙紹祖識

元銅陵縣重修靈祐王廟記

至元二年

盧贊撰
文載池州府志

靈祐王廟在銅陵南銅官山麓舊傳神爲晉潯陽太守揚州刺史張寬廟自南齊時建唐中和間陰有助戰功觀察使裴肅奏封保勝侯楊吳乾貞三年加封靈祐王明崇禎末左兵薄城神顯異却之知縣鄭允升爲移廟面惠溪其材木皆浮江自致者有司以六月十日致祭俗亦以是日迎神及九月九日爲龍燭會

池州府志

記畧云利國山昭惠之神累封靈祐王前記以爲姓張氏仕晉爲潯陽太守史缺其記獨累代封勅因祝君光庭刻石僅存至通謂唐時三勅則誤矣

按中和二年僖宗卽位之九年也時方有保勝侯之封其乾貞三年則楊氏紀元也自是由侯而公去唐亡二十三年祝君豈未校與又按裴休奏表以助戰克敵賞其功攷史貞元間浙東劇賊栗鏐誘山越爲叛觀察裴肅引兵殲薙大中六年肅仲子休入相其奏必在是時馴至中和以後定封爵不然宣僖相去遠而無休奏明矣至元丙子廟燬於兵邑人陳振哀衆力而新之旣成邑人前建德路總管阮麟翁請文諸石

按輿地碑目所載唐三敕不誤並未及楊吳靈

祐王之封而盧贄所記如此殆祝光庭刻石增入而併以爲唐三敕也碑目但言三敕皆裴休所奏亦並未及中和二年事池志盧記皆臆度之言耳

趙紹祖記

元立忠節趙君祠記

至元二年

吳師道撰
文載池州府志

在貴

記畧云宋趙昂發者字漢卿昌州昌化人也通守池州天兵南下池守臣遁趙侯攝府事自知勢危與夫人雍氏訣雍氏曰君能忠吾獨不能爲忠臣婦相從地下乎侯喜大書曰國不可背城不可降夫婦同死節義成雙俱自經於州治之後堂大丞

相伯顏入見而義之命以禮瘞於永明寺側迨今六十年重紀至元丙子之歲府經歷蕭君文孫始至慨然念祠之未立乃與景德寺主僧正宗謀闢大門左字並設二主書故爵諡而扁其門曰忠節之祠

元梅公亭記

至元四年見

吳師道撰文載建德縣志

在建德

未

記畧曰士君子宦游之邦去之數百年人猶想其風烈而不忘至於崇表而章顯之是雖好德之心然其所以使人至此而爲來吏之勸者豈小哉池之建德故宋梅公聖俞景祐間爲知縣事後人嘗

於郎官舍西偏爲梅公堂以祀之既廢後今柴夢
規重建於縣圃之北世易時更復改縣後之半山
亭爲梅公亭以識其舊未幾亦化爲荒墟師道之
來也按行遺址躊躇太息自是營構之志往來於
懷越明年始克就緒使凡爲吏者登公之亭思公
之所樹立以自勵則斯邑之民將被其賜於無窮
不然則皆公之罪人也亭成當至元三年丁丑十
二月乙亥明年某月日吳師道記

元隱山寺扁記

至元四年
未見

吳師道撰
文載池州府志

在建德

隱山在建德縣七十里有梁寺昭明太子手書隱

山之寺額元令吳師道爲記寺傍塔尙存

池州府志

記畧云隱山寺有梁昭明太子書榜隱山之寺餘八百年而宛然獨存亦異矣宋宣和二年尉張昇摹刻於郡城西廟中淳熙守袁說支又取眞蹟龕神殿側師道至元丙子秋以視旱抵寺訪尋在東廡室隅塵土翳蝕拂拭諦觀歎其筆勢雄雅莊重因語僧義寧曰此何惜一石而不爲永久計耶明年春以賑饑復至已買石礱治未幾石斷又明年六月寧來告曰寺旁水溢岸崩出巨石高七尺濶幾半殆神靈陰有以相之願紀其概師道因欣然

爲書使併刻於下方云

元建聖母橋記 無年月 在貴池 存

道光九年四月一日友人王帶渚約游西廟遂全
出池州府西門過杏花村里許有小橋橋右有碑
就而視之則元貴池邑人管雲父與其室游氏所
建聖母橋記碑雖漫漶尚多可見而文辭鄙俚不
足錄惟記其首行云池州路總管府達魯花赤兼
管內勸農事吉祥篆額次行云池州路經歷劉初
書末一行云池州路貴池縣達魯花赤兼管內勸
農事刺馬丹立石而無年月碑後另一石有聖母

顯異及至元十一年字較前碑更漫漶不可審視
趙紹祖識

元池州蒼玉峽摩崖

至元九年

存

城南至正己丑普門示現止存此十字餘俱漫滅
不能識 齊山巖洞志

按齊山巖洞志引田志云蒼玉峽在山麓寺之
方丈後宋岳武穆駐師留題元至元間普門神
示現於峽中住僧遂肖其像於壁執器導者二
人狀類圓紇側有竅直上數丈如管闔天

元青陽縣尹袁君功銘

無年月

未見

余闕撰

文載青陽山房集

趙紹祖識

銘集畧云紅軍起潁六雄都鉅鎮鮮其固其圉者
青陽小邑也行戍過之間其所以全則皆袁君功
也君一以愛人爲本庭無留獄以其暇日作伏羲
神農黃帝祠祀之吉月望日拜謁孔子廟橫經析
義進民觀聽其治如此故民德之而無畔心盜至
率民逆戰如武夫健將然故民恃之而有競心率
能外捍憑陵內固根本邑之故老與其學士願銘
貞石薦君功德使儒生陳孔昭請辭於余乃爲之
銘君名俊字孟敏富州人

安徽金石畧

卷五

涇縣趙紹祖琴士輯

太平府

漢陶徵君墓碑

無年月

在當塗

佚

陶超墓在小朝山有碑鐫漢徵君墓

當塗縣志

吳陶基墓碑

無年月

在當塗

佚

在當塗吳山晉陶氏亦有墓碣見存

輿地紀勝碑目

吳交州刺史陶基墓在橫山之麓地名陶墓宋淳

祐間墓碑猶存

當塗縣志

按當塗縣志有晉康樂侯陶回墓在小朝山下

安徽金石畧

卷五

與陶超墓同域有石門石獅華表又有陶如海
陶道登二墓俱在超域有碑陰云父子相繼爲
忠孝墓此當卽是輿地碑目所云晉陶氏墓碣
見存者今詢之士人皆云不知則其亡已久矣
趙紹祖識

吳赤烏鐵碇 在當塗 未見

碇如碇石狀大數尺上有赤烏字 天下金石志

在上東門外南津橋水落則出 當塗縣志

按說文無碇字

吳石磯院瓦 赤烏二年 在當塗 佚

廣濟寺在采石山舊名石磯院又名資福院吳赤
烏二年建明改今名佛像腹中有赤烏二年四字

臺瓦亦然

當塗縣志

晉楊府君墓碑

無年月

在當塗

佚

名亮宏農人桓溫破姚襄亮杖策來歸後爲雍州
刺史卒今有石碑二一在泊山一在河間碑陰各
有巴蜀故吏姓名合五百人太守楊倓惜其斷裂

徙置郡學

輿地紀勝碑目

大將軍墓磚

無年月

在蕪湖

佚

王敦墓在縣東北周村

蕪湖縣志

按陸放翁入蜀記云蕪湖人言數年前盜發大墓棺槨已壞得鏡及刀劍之屬甃磚有大將軍墓四字或疑爲王敦墓放翁本作疑辭而蕪湖志因而實之姑附之於此

趙紹祖識

晉桓溫墓碑

無年月

在當塗

佚

碑刻當時車馬衣冠之類極可觀

天下金石志

按放翁入蜀記云青山夜歸坐間聞信伯言桓溫墓在近郊有石獸石馬製作精妙又有碑刻當時車馬衣冠之類極可觀恨不一到也天下金石志所言恐出於此非真見是碑也信伯名

楊恂時爲太平州員外教授

趙紹祖識

宋凌歊臺碑

無年月

在當塗

佚

孝武時立唐李白已不可讀

天下金石志

在黃山今惟東下岡脊一巨石高三尺許廣倍之
其遺跡云

當塗縣志

按李白凌歊臺詩云欲覽碑上文苔侵豈堪讀

金石志之言亦出於此耳

趙紹祖識

梁牛渚磯碑

無年月

梁元帝撰

在當塗

佚

按元帝卽位於江陵甫再期而爲魏所害此殆
未爲帝前所作碑文係麗語未錄

趙紹祖識

唐宣州刺史陶府君德政碑

永昌元年
在當塗

僧靈廓撰

陶府君大舉德政碑在當塗縣東六十里丹陽鎮南之禪那院乃唐僧所撰永昌元年己丑建碑今存

輿地紀勝碑目

右碑前數行漫漶不能讀以寶刻類編證之知府君名大舉撰文者僧靈廓書之者陶德甄大舉以宏道元年刺宣州垂拱四年改刺相州明年始立此碑時猶未改唐爲周碑中詔字亦未回避也今石故無恙而地僻左知之者尠朱竹君學士視學安徽始訪得之而沈太守方穀拓本貽予碑書藝

廉之廉作厖蓋省一少此碑以言旁厖爲謙則借
廉爲兼也譌說文多語也唐韻汝閭切與謙字音
雖相近而義各殊未知少溫所據

潛研堂金石文
跋尾續

按謙卦碑今在蕪湖學宮者石刻係翻本格古
要論所謂四扇板門在民家者今不存

趙紹祖
識

唐李陽冰當塗縣三大字碑

無年月

在當塗

存

右唐李陽冰嘗爲此縣時所篆也考其歲月蓋上
元寶應間距今垂三百八十年矣兵火之餘罕有
傳者會毗陵唐楫叔濟之來始得其摹本於東觀
趙大著因命工以刊之雖流傳未免失真而氣質

唐清風亭墨蹟

無年月

李白撰

在當塗

佚

李太白清風亭墨蹟舊在化城寺今廢

當塗縣志

唐化城寺大鐘銘并序

無年月

佚 李白撰 文載太白集

在當塗

序畧云唐宣城郡當塗縣化城寺大鐘者邑宰李

公之所剏也公名有則系元元之英蕤茂列聖之

天枝乃採鳧氏撰鳴鐘

文粹作鴻鐘

將博我以文章求

我以述作白昔忝侍從備於詞臣恭承德音敢闕

清風之頌

按李白有陪族叔當塗宰遊清風亭詩此序云

公名有則當卽是其人也當塗志言化城寺有

李白清風亭墨蹟或卽是書此詩

趙紹祖識

唐李陽冰書謙卦碑

無年月

在蕪湖

存

篆書方三寸大四扇板門在蕪湖縣民家

格古要論

李陽冰謙卦碑在學宮明倫堂東壁

蕪湖縣志

右碑凡書謙字二十見無一同者其以謙譚謝代

謙字世多疑之案漢書藝文志易之嗛嗛一謙而

四益顏氏註嗛與謙同大學此之謂自謙鄭氏註

謙讀爲嗛荀子臭之而無嗛于鼻楊倞註與嗛同

蓋謙嗛嗛三字古皆通用也說文厝古文籃字集

韻廉古作厝廉與籃聲相近故可借用碧落碑飛

廉之廉作厝蓋省一少此碑以言旁厝爲謙則借
廉爲兼也謬說文多語也唐韻汝閫切與謙字音
雖相近而義各殊未知少溫所據

潛研堂金石文
跋尾續

按謙卦碑今在蕪湖學宮者石刻係翻本格古
要論所謂四扇板門在民家者今不存

趙紹祖
識

唐李陽冰當塗縣三大字碑

無年月

在當塗

存

右唐李陽冰嘗爲此縣時所篆也考其歲月蓋上
元寶應間距今垂三百八十年矣兵火之餘罕有
傳者會毗陵唐楫叔濟之來始得其摹本於東觀
趙大著因命工以刊之雖流傳未免失真而氣質

高古尙有典型如此觀者亦可想像其筆意云紹興甲子中秋日三衢鄭仲熊行可跋

唐翰林學士李君墓誌銘

無年月

李華撰

在當塗

佚

文附載太白集

誌畧云嗚呼姑熟東南青山北址有唐高士李白之墓嗚呼哀哉年六十有二賦臨終歌而卒有子

白伯禽

唐翰林學士李君碣記

貞元六年當塗

劉全白撰

在

記畧云全自幼則以詩爲君所知及此投弔荒墳將廢邑有賢宰顧公游秦亦嘗慕效李公氣調因嗟盛才冥寞遂表墓式墳乃題貞石貞元六年四

月七日記

唐元和井字

元和五年

在當塗

未見

在郡圃石闌刻姓名甚多磨滅不復識但存元和

五禩四字

當塗縣志

唐井欄石字

元和十二年

在當塗

未見

唐井在太平城東十五里禪岳寺山下欄石鐫元

和十二年字

江南通志

唐井在禪岳山寺東石欄刻元和十二年十月十

八日大匠吳卿

當塗縣志

唐左拾遺翰林學士李公新墓碑

元和十二年
傳正撰

在當塗

佚 文附載太白集

碑畧云傳正嘗於先大夫文字中見與公有潯陽
夜宴詩知有通家之舊蒙恩廉問宣池按圖得公
墳墓因令禁樵採僂灑掃訪公子孫凡三四年乃
獲孫女二人一爲陳雲之室一爲劉勸之妻因召
至郡相見與語儒風宛然問其所以則曰父伯禽
以貞元八年卒兄一人出游一十二年不知所在
僂於農夫救死而已言訖淚下余亦泣然因云先
祖志在青山頃殯于龍山地近而非本意將遂其
請因當塗令諸葛縱會計在州得諭其事縱便道

遷縣躬相地形卜新宅于青山之陽以元和十二年正月二十三日遷神于此遂公之志也因告二女將改適于士族皆曰夫妻之道命也分也在孤窮既失身于下俚仗威力乃求援于他門死何面目見大父於地下余嘉之不奪其志復并稅免徭役而已作新墓銘兼刊二碑一置泉扃一表道路亦峴首漢川之義也

唐演教院碑

長慶間

在繁昌

佚

在繁昌縣東二十里院有古碑上有長慶二字

輿地

紀勝碑目

唐香雲院鑄鐘銘

太和二年
銘載繁昌縣志

僧師用撰

未見

在縣東北三十里香爐峯唐元和中里民杜著等

建院太和二年里民杜芑鑄鐘

繁昌縣志

唐石城記

太和二年

羅泰撰

在當塗

佚

在當塗東二十里石城山之多寶院太和二年立

輿地紀勝碑目

唐慈姥磯刻

無年月

在當塗

佚

在當塗縣北四十里慈湖鎮之北磯上有界牌二

字乃唐刻也

輿地紀勝碑目

唐黃山亭碑

無年月

杜牧撰

在當塗

佚

黃山亭碑又題名碑陰杜牧之撰在太平州

金石

按樊川集無此文

趙紹祖議

唐翰林學士李公墓碑

會昌三年

裴敬撰

在當塗佚文附載太白集

碑畧云會昌三年二月敬自潁水草堂南遊江左過公墓下徘徊不忍去與前濮州鄆城尉李劭同以公服拜墓問其墓左人畢元宥知公無孫有孫女二人且曰二孫女不拜墓五六年矣因告邑宰李君都傑請免畢元宥力役俾專灑掃爲祭文寫授元宥又爲碑曰貴盡皆然名存則難故予重名不重官作李翰林碑十五字而已

唐廣濟院二石幢 在蕪湖 未見

在蕪湖縣北四十步院門外有兩石幢一題曰大

中十二年一題曰乾符六年 輿地紀勝碑目

唐禪惠院記 咸通二年 在當塗 佚

在當塗縣東十七里禪岳山有咸通二年紀刻石

山巔 輿地紀勝碑目

唐尉遲演墓碑 咸通十二年 在當塗 未見

敬德裔咸通十二年八月葬橫山之南碑誌尙存

當塗縣志備遺

唐水心院石幢記 廣明間 在蕪湖 未見

在蕪湖縣二里寧淵觀初爲水心院有唐廣明石

幢記 輿地紀勝碑目

按蕪湖縣志有寧淵上觀寧淵下觀石幢在上

觀本唐水心院今爲靈澤夫人祠宋陸放翁入

蜀記云宋政和中賜名靈淵觀 趙紹祖識

南唐東能仁院水陸會記 無年月 在蕪湖 佚

在蕪湖縣東院有南唐水陸會記 輿地紀勝碑目

宋列泉井刻字 太平興國二年 在蕪湖 未見

列泉井在迎秀門外水際倉右井欄鐫 太平興國二年 蕪

湖縣志

宋尙書度支員外郭公墓誌銘

無年月
在當塗

王安石撰
佚文載

臨川集

誌畧云公諱維字仲逸知南豐改新都旣去民繪
像祠焉知雅州王蒙正姻明肅太后家侵民田無
敢直公治之以田歸民蒙正坐除名天子賜之朱
衣得尙書屯田員外郎知常州移提點淮南刑獄
遷度支以卒慶厯二年正月也男三人先正烏江
尉聰正舉進士祥正星子主簿以某年月日葬公
於某處公之里也先人與公祥符八年以進士起
而公子且與某遊有好也銘不敢讓

宋繁昌縣學記

無年月

王安石撰

在繁昌

佚

文載臨川集

記畧云事先聖先師於學而無廟古也今也無學而徒廟祀孔子吾不知其說也宋初因其法今天子始詔天下有州者皆立學而縣之學士滿二百人亦得爲之繁昌小邑其士少不能中律雖有孔子廟而庠下不完又門人有像惟顏子一人夏君希道大初至修而作之且爲子夏子路十人像而治其兩廡爲生師之舍以待學者其故人王安石爲記其成

宋繁昌縣興造記

慶曆七年曾鞏撰

在繁昌

佚

文載南豐類稿

記畧云太宗二年取宣之三縣爲太平州而繁昌
在籍中繁昌故南陵地唐昭宗始以爲縣縣百四
十餘年無城垣而濱大江常編竹爲障以自固鄉
老吏民羞之今有能吏因民所欲而垣其故基爲
門卽門之東北構亭瞰江旣又大其治自門至于
寢廬總爲屋凡若干區自計材至于用工總爲日
凡二千三百九十六日而落成焉夏希道太初令
之姓名字也慶厯七年十月二十三日成之年月
也

宋石待問墓表

皇祐二年

黃庭堅撰

在蕪湖

宋金紫光祿大夫石待問皇祐二年卒葬蕪湖縣南二十里丹陽卿黃庭堅題其墓曰有宋賢良方正金紫光祿大夫九謫而不悔自下廟上眉公石公之墓

太平府志

宋中元水府記

嘉祐八年文載當塗縣志

楊傑撰

在當塗

佚

記畧云嘉祐八年二月尚書郎朱公出守姑孰墜典畢舉三月嗣天子卽位遣使祭告公乃屬傑爲記

宋王會之墓誌銘

嘉祐八年川集

王安石撰

文載臨

記畧云君諱逢字會之姓王氏當塗人蘇州士人

從轉運使乞君主其學學者常致千數百人始以
進士起家歷官國子監直講至太常博士於書無
所不觀而尤喜易作易傳十卷乾德指說一卷復
書七卷通判徐州以疾不赴求監蘇州酒嘉祐八
年正月六日不起年五十九以四月二日葬蘇州
吳縣三元鄉陸公原前夫人蘇氏祔焉

按此誌在蘇州以會之當塗人特附著之以詳
其卒葬

趙紹祖識

宋繁昌縣建御書閣記

治平三年
繁昌 佚

郭祥正撰
文載青山集 在

記畧云宋御天下百有餘年皇帝留神翰墨或頒

名山洞府太平州隱靜山普惠寺所藏百二十軸
主者非人幾不蔽風雨大守集賢刁侯約縣令夏
君希道觀瞻省懼命達觀禪師曇穎主之以疾去
弟子懷賢代厥事益肆其力高薨巨棟罔不新者
屬工課實大姓楊氏緒也閣成於嘉祐三年八月
後八年治平三年六月求文以記之

宋太平州新學記

治平四年

佚文載臨川集

王安石撰在當塗

記畧云太平新學在子城東南治平三年司農少
卿建安李侯定作爲屋百間爲防環之以待水患
爲田二十頃以食學者旣成而侯罷去州人來求

文以識其時功治平四年九月四日

宋北園記

熙寧元年
戴繁昌縣志

蔡確撰

在繁昌

佚文

北園在舊治之北縣治後山築臺曰縹緲下瞰大

江對濡須塢茂林修竹相爲映發

繁昌縣志引輿地紀勝

宋李太白碑陰記

無年月

蘇軾撰

在當塗

佚

宋蘇軾戒酒詩碑

無年月

在當塗

佚

在府學尊經閣墻下

當塗縣志

宋范仲淹公生明三字碑

無年月

在當塗

存

在府後堂左

當塗縣志

宋范仲淹思無邪三字碑

無年月

在當塗

存

在府後堂右

當塗縣志

宋蕪湖縣吉祥禪院記

元豐八年
蕪湖佚

黃庭堅撰
文載山谷集

在

記畧云父老言曩有石刻云基於晉永和二年又言李昇避徐知訓之難走伏於此院北山古松下以免及昇有國名院曰永壽宋景祐時賜名吉祥元豐八年宣州廣教院僧慶餘來住特興廢起舊蔚爲禪居故爲之記所從來使後有考焉

宋青山白雲寺記

無年月
佚

郭祥正撰
文載青山集

在當塗

記畧云青山又曰謝公山齊謝元暉守宣城時建別宅於此遺址尙存左丹湖右長江爲當塗諸山

冠山東有巢雲亭亭陰曰白雲院始謂之南峯院
嘉祐中改賜今額予數過之欹椽敗瓦不蔽風雨
熙寧中僧希仁始來住持弟子懷式繼之不求於
人歷二十餘年一切新之予序其事刻於碑

宋太守石禹勤墓表

無年月佚

黃庭堅撰

在蕪湖

在丹陽鄉黃庭堅題其墓曰守臨川守秉直道不
能詭隨陷冤獄終見昭雪石使君墓

太平府志

宋黃庭堅滴翠軒題字

無年月

在蕪湖

佚

滴翠軒在蕪湖赭山廣濟院舊名檜軒有宋黃庭

堅自書山谷讀書處五字

江南通志

古檜在赭山郭祥正詩青幢碧蓋儼天成濕翠濛

濛滴畫楹故山谷取以名軒

蕪湖縣志

宋采石寶積山摩崖

元祐間

在當塗

未見

宋元祐間女冠孫姑煉丹於此崖壁鑿崖留仙蹟

江送鐘聲八字

當塗縣志

宋蛾眉亭記

紹聖間
載當塗縣志

賀鑄撰

在當塗

佚

文

記畧云采石鎮瀕江牛渚磯磯上絕壁嵌空與天
門相直嵐浮翠拂狀若蛾眉熙寧時郡守張公瓌
卽其地築亭以觀覽歲久傾圯紹聖時太守呂公
希哲修之

宋蕪湖縣建學頌

元符三年

張商英撰

在蕪湖

蕪湖儒學在縣治東南宋元符三年知縣蔡觀建

江南通志

頌畧云莆陽蔡君製邑蕪湖才優職舉政成令孚
作新廟學推本真儒走書求文紀厥終初乃叙而

系之以頌

宋米芾定江神祠四大字

無年月

在當塗

未見

定江神祠在采石山有米芾中元水府四字

當塗縣志

宋米芾第一山三字碑

無年月

在當塗

存

在青山麓

當塗縣志

宋宣義郎石天麟墓表

無年月
未見

米芾撰

在蕪湖

在丹陽鄉米芾題其墓曰宋故死節之士蕪湖石

君墓

太平府志

宋蕪湖御書閣記

無年月
石忬撰
文載蕪湖縣志

在蕪湖

佚

記畧云臣家有真宗皇帝御書十軸閱九十餘年不敢自藏於私室而附藏承天院浴室云云

按蕪湖志云御書閣在縣後西能仁寺宋淳祐間石忬建并撰記又方輿類編云宋盛時蕪湖路當上下衝要常有守臣臨之時頒太宗御製敕諭淳祐三年石忬建閣自記二說不同而皆

言淳祐間悉是石待問曾孫元符三年進士不
得至淳祐時其自記言閱九十餘年必元符間
也元符三年在淳祐一百五十餘年前二書之
誤至於如此

趙紹祖識

宋蕪湖縣新學記

崇寧元年

黃裳撰

在蕪湖

米芾行書在學宮殿左剝蝕過半明萬厯間權使
王演疇集米小行書勤於碑側

蕪湖縣志

米顛大言于書家少所許可而自作此札側筆縱
筆雖極雄傑不免粗疎王元美稱其有千金蹀躞
過都厯塊之氣恐不敢信

石墨鐫華

右碑元章自署無爲守而不列官與他碑式異宋史稱年四十九卒而蔡肇撰墓誌云年五十七卒於淮陽郡齋按元章跋謝安帖云余生年辛卯又有辛卯米芾四字小印則以皇祐三年生至元符二年已四十九矣如史所云卽不及徽宗朝而元章却在徽廟時始以工書顯其知無爲軍當在崇寧三年明年始擢禮部員外郎再出知淮陽而歿於官則墓誌云五十七者不誤蓋其卒以大觀元年歲在丁亥也爰書此以糾史謬

潛研堂金石文跋尾續

余家藏有宋拓此碑如見真蹟趙子亟譏其粗

疎誠亦不免而千金蹀躞元美未爲不知言也
黃裳文亦學記中之佳者元章官無爲軍有崇
寧四年篆書真宗御製文宣王贊立於學宮又
有大觀元年章吉老墓表雖時已去郡而吉老
之子濟立石然元章是時未歿可知也宋史之
誤當如錢竹汀先生所言

趙紹祖識

宋蕪湖縣新學記

紹興十三年湖未見

陳長方撰文載蕪湖縣志

在蕪

紹興十三年十二月陳長方撰并正書

寰宇訪碑錄

按蕪湖志載此文有云皇帝嗣位之十七年而
學校門又言十三年然皆未言十二月又未言

正書而孫淵如觀察云云是此碑尙存而見其

拓本也當訪問之

趙紹祖識

宋姑孰學宮記

紹興十八年 鄭仲熊撰

在當塗

佚 文載太平府志

紹興十四年四月鄭仲熊撰何偁八分書

寰宇訪碑錄

記畧云皇帝卽位之十六年偃武戢兵越年建太
學於行在所詔旨爲學校下十五六姑孰學宮徙
置不常獨州治之西背阻城郭水流半規有泮宮
之象前守朱公實經營之未遑改築今太守鄭公
丞相華原公猶子也下車慨然曰松年不力成之
罰豈可追遂鳩工賦役炳然一新又明年行釋奠

禮仲熊爲記

按記云十六年又曰越年又曰又明年是十八年也而訪碑錄云十四年四月何偁八分書似曾親見此碑拓本姑兩存之

趙紹祖識

宋知軍州事題名記

紹興二十二年
在當塗佚

韓膺胄撰
文載太平府志

記畧云本朝內自三省百司外自監司州縣皆有題名記非獨以記歲月亦所以稽其人之賢否唐呂溫乃謂壁記非古何哉太平州太平興國二年置領郡符者多名士然郡宇荐經火災案牘煨燼莫克遠省姑記建炎以來守臣姓名刻諸石紹興

年記

宋觀音像記

紹興二十六年

在當塗

殘闕

道光壬辰五月余過南寺見西廡廊嵌舊碑有紹興二十六年字亟命工拓以來則殘闕不能讀惟上有一圓圈中縷大士像細審其文前多夢字有云若欲相發藥者後有云夢一婦人寶冠珠珞似感夢愈疾而發願縷像爲紀其事者其名氏俱不完莫可知矣以碑爲太平府志當塗縣志所未載故錄之

趙紹祖識

宋廓見堂記

紹興三十年

周葵撰

在當塗

佚

文載太平府志

記畧云余始至當塗謁先聖於學出門面牆大爲學者病之欲撤以去蔽然方爲民並湖修長堤以捍圩田力未暇也庚辰之春始克浚河乃撤牆築堂以對於學宏麗爽塏教授蔣繼周以揚子所謂開之廓然見四海名之曰廓見成予志也

宋繁昌縣修學記

紹興三十年

周葵撰
佚文載繁昌縣志

在繁昌

記畧云曾侯覺以書來曰舊學在縣治南舍法之興遷於東士不利於有司傳侯輩從諸生請卽舊址重建又燼於火於是出私錢爲之倡爲屋三十楹願得文以刻石

按記云舍法之興謂三舍之法興也今道光丙戌新修繁昌志以興字連下句讀而以舍法之爲邑令名且爲補之職名表故書於此使後人勿沿其誤

趙紹祖識

宋重修李太白祠碑

無年月佚

張真甫撰

在當塗

按陸放翁入蜀記云太白祠在青山之西北距山尙十五里墓在祠後有唐劉全白所作墓碣及近歲張真甫舍人所作重修祠碑是太白祠有此碑也

趙紹祖識

宋李太白祠記

無年月

張震撰

在當塗

佚

文載太平府志

記畧云太白死當塗葬青山唐故有祠今不庇風雨太守尙書虞公命鼎新之且封其墳

按放翁所云張真甫修祠碑疑卽此記震蕪湖人而府志縣志皆不言震字遂無以證明故仍兩存之

趙紹祖識

宋蕪湖縣丞題名記

無年月

張震撰
文載蕪湖縣志

在蕪湖

記畧云汝陽賀崇禮行之到官得梁大夫以下凡二十三人鑱之石按丞廳舊在縣治東中更兵火官用此廢紹興戊午丞相魏國張公徙繁昌丞來此自梁大夫始焉

宋橫山大聖院碑

無年月 未見

張孝祥撰 文載當塗縣志

在當塗

大聖院碑在白鹿鄉橫山南麓

當塗縣志

宋吳芾太平州三字碑

無年月

在當塗

未見

在府子城東

當塗縣志

宋太平州守續題名記

乾道四年 佚

吳芾撰 文載太平府志

在當

記畧云郡廨舊闕題名紹興二十二年韓公直閣

來守是邦始命立石僅記建炎以後守臣名氏登

載未詳余以乾道三年至此更加采訪得紹聖以

來自呂希哲黃庭堅以下之接於沈思者几十有

八惟張伯玉嘉祐四年以侍御史來見於所刻祭

翰林文其餘以圖籍不存莫可概見惜其無傳因刻諸副石之首乾道四年十月

按此記續韓膺胄軍州題名記也記雖曰續其實是補前記建炎以前之所未刻者自紹聖以來之十八人也惟張伯玉又在紹聖之前故不在十八人之數而刻諸副石之首以待後之能采訪其前者而又補之也十八人名氏今太平府志已補入職官門故不盡錄

趙紹祖識

宋當塗縣令題名記

乾道四年

王權撰
文載當塗縣志

在當塗

記畧云搜訪故老得自至道以後六十八人命工

刻之

宋繁昌縣令題名記

乾道五年
佚文載太平府志

陶瑜撰

在繁昌

記畧云郡襄城爲縣易以今名自晉始也圖牒登載惟胡母輔之以賢令稱我宋妙簡銅墨不可勝紀中更剽蕪廳壁浸蕪僕尾後塵旁搜博采由熙寧以來百有二年得二十六人命工而鑄諸珉乾道五年十月

宋蕪湖重建李衛公祠記

無年月
湖佚

王椿撰

在蕪湖

記畧云由東門而東北行數里有神山其下乃唐李衛公祠舊址也椽瓦若掃盼蠻如在今年夏秋

邑大旱禱羣祠不應進士趙泉言於宰沈端節曰
神山李衛公祠顯跡非一毋以其不存而不往焉
乃率僚佐登山禱之既奠而卜許雨於後二日至
期烈日烘天亭午如灼俄有孤雲突起不雷不風
而雨集莫不霑足歲大稔市野老稚踴躍興廟次
歲夏廟成衛公祠在湖州府安吉州其中有隕石
俗稱落石大王廟其立廟於蕪湖則未知所始

按沈端節於乾道三年丞蕪湖後陞令則此碑
建於乾道後也府志不誤而蕪湖志於文後忽
夾入洪武時數語不知何自而誤

趙紹祖識

宋隱靜山建單傳閣記

乾道間未見

何麟撰

在繁昌文載繁昌縣志

按碑詳載釋教自大迦葉以來至於惠能三十
三人謂之單傳閣者衣鉢相傳不授他人至神
秀惠能分爲南北宗而一人授徒至數十餘
人而自惠能以上皆單傳也又上推釋迦下及
惠能之徒大智三十五僧彼教推爲三十五祖
閣建於繁昌隱靜山僧妙義列坐三十五祖而
云諸方所未有也余亦以其未有而載之

趙紹祖識

宋刻蘇舜欽詩

淳熙五年

在太平府儒學

殘闕

正書淳熙五年八月後有楊倓跋

寰宇訪碑錄

按蘇子美詩乃和歐陽永叔瑯琊庶子泉李陽
冰篆詩也今惟存後九行及楊倓跋近翁覃溪
又識數語以遺郡守陳雲遠雲附諸石

趙紹祖識

宋淳熙井石欄刻字

淳熙五年

在當塗

未見

淳熙井在縣三十里街傍偏西石欄刻淳熙五年

衆鑿

當塗縣志

宋天慶觀記

淳熙五年

沈端節撰

在當塗

佚

記畧云大中祥符二年詔天下建宮廟以昭靈貺
乃於太平州建天慶觀仍以儀真七寶所鑄玉帝
像賜之靖康建炎間劫火洞然紹興後樞密和義

楊公倓以昭慶之節來殿是邦相地之宜因故基而大之

宋朱子書二石

在蕪湖存

宋朱晦翁書文章華國詩禮傳家二石在明倫堂內明權使許用中摹刻

蕪湖縣志

宋蕪湖知縣題名記

無年月佚

文載蕪湖縣志

在蕪湖

按文前但言縣之難爲後亦祇記吳人朱似叔召之來爲縣而已其曰題名記未詳

趙紹祖識

宋刻姑孰帖

在太平府儒學

殘闕

右姑孰帖宋人所刻石已散亡今存者惟卷第三

第八第九數石而已第三爲東坡書洪容齋所刻其跋云東坡先生所書詩文十篇邁得之刻於當塗郡齋今合計詩偈表詞止六篇則已失其四矣第八第九皆放翁書而第八卷首題云放翁先生帖三第九卷首題云放翁先生帖四可知散佚更多其存者亦多不全竟未審爲何人所刻又有一石乃蘇子美書淳熙戊戌知州楊倓刻前半亦闕不知其卷第也倓和王沂中之子紹興二十七年王十朋榜進士見咸淳臨安志

潛研堂金石文跋尾續

按楊倓所刻子美詩乃淳熙五年在容齋未到

官十年前後人收拾遺帖并入一處恐不在姑
孰帖卷第中也已見前

趙紹祖識

宋太平州瑞麻圖贊

淳熙十六年
平府儒學存

洪邁撰

在太

右瑞麻贊鄱陽洪邁知州日近郊民於顯國以異
麻獻合數幹爲一若靈芝若如意若鳳垂頭邁以
爲瑞圖其狀而贊之文云太歲在酉者淳熙十六
年也宋史本傳叙邁厯官極疎舛其知太平州亦
失載予攷中興學士院題名邁以淳熙十五年四
月由翰林學士差知鎮江府此贊作於已酉八月
云予假守十閱月是移知太平卽在十五年之冬

其明年改元紹熙乃以煥章閣學士知紹興府除授次第班班可攷史於拜翰林學士後卽書進煥章閣學士知紹興府似未嘗外補又誤書紹熙爲淳熙皆失之甚者

潛研堂金石文跋尾續

按贊前有引贊中有簞九霄縹上馳之句當塗志曰簞字不經見意當從漢天馬歌籥雲之籥乃興九霄意合

宋御書閣記

淳熙十六年

在當塗

佚

正書淳熙十六年在當塗

寰宇訪碑錄

按太平府志當塗縣志皆不載問之耆舊亦無

知者 趙紹祖識

宋當塗縣簿題名記

紹熙二年 佚

文載當塗縣志

在當塗

宋增修繁昌學記

慶元五年 佚

文載太平府志

在繁昌

記畧云繁昌學累燼於火近市故也淳熙間單令
偁乃遷於東北隅襟帶江山視昔爲勝今又告圯
慶元丁巳趙令汝積慨焉興復且新且作又以名
公鉅卿嘗記邑之興造學之繇創及爲邑令者立
三賢祠曰曾公鞏王公安石蔡公確興工於戊午
之夏訖工於己未之秋

宋郡學教授題名記

慶元五年 佚

文載太平府志

在當

記畧云太史公作漢名臣年表曰賢者彰之教授
品秩固卑而自三舍法行其掄用視漢文學掾唐
州博士殊矣姑孰紹興建新學以前教授軼其名
氏鄭公仲熊而下乃頗可考予承乏二載遂立斯
石慶元五年四月

宋當塗縣尉題名記

慶元六年

趙師趙撰

在當

宋重修蕪湖學講堂齋舍記

嘉泰間

孟點撰

在

縣志

嘉泰間縣尹趙崇玘重修講堂齋居孟點記

蕪湖縣志

記畧云國家右文以興士環天下郡邑皆有學然

惟郡學有博士以舉其職縣之學主於令簿書期會之不給奚暇治禮義哉故縣之學興廢無常蕪湖學肇於元符雖新於崇寧復燬於建炎逮紹興十一年邑令楊君援始因舊地而成之洎慶元戊午黃君滋又加修飭規模未能大也今令尹趙君之來顧瞻歎曰事有大於此者乎乃出帑庾之藏而新之遂殿崇堂清祠廣廡齋廬倉庖禮器圖象咸與維新邑人矜誇二百年來昔未曾有學之者儒俊士相率而來求紀其事

宋當塗縣丞題名記

開禧元年

佚

林宗放撰

在當

文載當塗縣志

記畧云錫山尤君仲華丞於茲邑訪求吳君謙以下得十有八人列而識諸壁

宋繁昌主簿題名記

嘉定七年

孫大有撰
文載繁昌縣志

在繁

記畧云六飛南渡丞相魏國張公帥金陵白於朝徙丞蕪湖簿始兼之自紹興戊午迄今垂八十年官此者名氏歲月漫滅不省嘉定七年三山林君士晉泣茲邑暇日搜訪自丁君可成而下得百二十人錢諸石

宋繁昌縣尉題名記

嘉定十四年

喬如國撰
文載繁昌縣志

記畧云仕凡一命而上皆刻石嵌壁以記姓名歲

月繁昌惟尉廨闕典余以嘉定辛巳孟夏領職登
脩然堂摩娑山谷先生刻石三大字慨然仰昔人
之清風然欲知其甥洪君羽在任之日月則無所
考証壁記何可無也余詳加搜訪得陳君永弼至
近日沈君鉄凡二十一人盡鐫堅珉置於東廡嘉
定十四年正月

宋青山保和庵記

無年月 辛克承撰
佚 文載當塗縣志

在當塗

記畧云紹興初有李道姑者來自西蜀語人休咎
決歲豐凶時左司李樛寓居丹湖之薛鎮心知其
異爲結庵扁曰保和

按記及於嘉定之後是碑立於紹興後百年也
以其瑣碎故不錄 趙紹祖識

宋蕪湖主簿題名記

無年月

王同撰

在蕪湖

記畧云蕪湖令尹曾君熙以書來言主簿趙順夫
謂縣令丞悉有壁記簿獨闕今得故樞密張公叔
夜詩自序頃爲此簿時維宣和甲辰逆而數之當
在元祐間於是斷自樞密公而次將以所聞見陸
續書以垂將來

宋暮雲亭記

紹定六年

汪授撰

在當塗

佚

記畧云防禦使王侯明護軍犀渚顧李翰林祠宇

卑陋撤而新之築亭其旁余撫杜陵春日憶白之
句名之曰暮雲紹定六年

宋軍事判官題名記

端平間佚

文載太平府志

朱煥撰在當塗

記畧云州判與長官比官不高而名尊古人云賓
者主之對長官爲主我爲賓情易達言易入事可
以辨是非可否雖忤不我聽然不致恚與怒位斯
職者可以行志矣乃或視長官意向趨承迎合泊
政乖民怨則諉於長曰吾不與豈忠於長者哉太
平幕有判有推推有題名判無之渙乃溯自趙師
回而下凡十三人序而刊諸石端平間記

按宋置州判謂之監郡歐公歸田錄載錢昆乞
郡人問所欲昆曰但得有螃蟹無監州處可矣
東坡詩亦有云欲問君王乞符竹但憂無蟹有
監州觀此文亦可得其情事矣

趙紹祖識

宋吉中井記

淳祐五年

在蕪湖

未見

吉中井在赤鑄山朱村宋理宗淳祐五年邑人朱
浚鑿井欄有記

蕪湖縣志

宋虞允文祠碑

無年月

在當塗

佚

滕宗卿立在采石山

天下金石志

按當塗志祠始建於嘉定九年在牛渚山廣濟

寺側建祠者江東提舉李道傳也淳祐九年公會孫旣修後郡守馬光祖請於朝改建於寶積山之西賜名英烈與此不同或者滕宗卿爲撰文書碑之人亦不可知祠今在翠螺山太白樓後近郡守李暉所建余嘗登山拜祠下焉

趙紹祖識

宋陳塏采石磯詩

無年月

在當塗

存

右陳塏詩後題門生儒林郎改差監提領江東淮東路茶鹽所都鹽倉兼檢視洪革立石今在采石蛾眉亭按宋史塏字子爽嘉興人嘗爲提領江淮茶鹽所兼知太平府碑雖無年月以塏歷官考之

當在淳祐間矣職官志有提舉茶鹽司別無提領之名監當官兼檢視亦史所未載也

潛研堂金石文跋尾續

余嘗使人搨此碑來正書七絕一首字大二寸

詩不甚佳而書頗勁

趙紹祖識

宋牟子才刻慈竹義木二詩

無年月

在當塗

佚

牟子才以集英殿修撰知太平州至郡首教民孝弟以前人慈竹義木二詩刻而頒之

宋史

宋建李白祠記

無年月

牟子才撰

在當塗

佚

子才在太平建李白祠自爲記曰白之斥實由高力士激怒妃子以報脫鞬之憾也力士方貴倨豈

甘以奴隸自處者白非直以氣陵亢而已蓋以爲
掃除之職固當爾所以反其極重之勢也彼昏不
知顧爲遂其所忌力士聲勢益張宦官之盛遂自
是始其後分提禁旅蹀血宮庭雖天子且不得奴
隸之矣

宋史

按牟子才本傳載此數行度祠記不止此也碑
亡已久遂無可攷

趙紹祖識

宋李白脫韓圖贊

無年月
儒學存

牟子才撰

在太平府

右圖宋知太平州牟子才刻石有贊宋史子才在
太平建李白祠自爲記又寫此圖爲之贊屬有拓

本遺董宋臣宋臣大怒持二碑泣訴於帝祠記久
不存此碑在學宮牆傍明成化六年提學御史張
敷移置集賢門內知府施竒紀其事於左方其下
又有康熙癸丑寇明允題字

續 潛研堂金石文跋尾

按董宋臣宋史宦者有傳嘗與丁大全表裏爲
奸故見此二碑而怒碑今與黃山谷返樞圖李
陽冰當塗縣三篆字洪邁瑞麻圖贊姑孰帖存
石十段並太平府學教授丹徒進士張啓圖桂
山收拾整理嵌置尊經閣牆壁間古物得好古
人愛惜庶幾常留天壤余於道光壬辰親詣閣

下命工摹揭深爲此數碑幸而歎桂山之胸次
高邁大遠於俗吏之爲之也

趙紹祖識

宋黃山谷返樞圖贊

無年月
府儒學

牟子才撰

在太平

右圖亦子才所刻子才之孫應復元時爲歸安縣
尹承行省命督海漕至太平路題字左方子才以
資政殿大學士致仕史但稱學士其謚清忠史亦
未載應復以重紀至元戊寅歲留題云於今八十
三年則二圖以寶祐四年刻石矣

潛研堂金石文
跋尾續

按應復跋云卒謚清忠公於今八十三年矣恐
是子才之卒在寶祐五年非指立碑年也子才

罷郡在寶祐三年入爲翰林學士以至致仕與卒皆一二年間事耳當塗縣志謂此二碑乃子才七世孫夢陽所刻碑近在學宮何不審視而憑空撰出如同嚙語可異也

趙紹祖識

宋重建太平州學記

寶祐三年佚

湯漢撰

在當塗文載太平府志

記畧云寶祐二年太平州學講堂火歲除日矣府公大資政聞而遽至立於禮殿之北墉以遏其燼吏士奮力卒保聖居明日公率僚吏諸生旦謁曰斯文未墜其危乃光撤舊圖今我敢後以俸錢五萬緡米千石益以少府錢十萬事義而果趨者竭

作越暮春宸章之閣復禮進德兩堂皆儼然復脩
煥然改觀郡博士與學之士合請余文以記其廢
興

宋重立進士題名記

寶祐三年
塗佚

牟子才撰
文載太平府志
在當

記畧云前進士題名記之者前州守吳芾寶祐甲
寅歲除燬於火越明年校官金華杜君林礪石新
之屬子才記成

宋東筦戍民免調碑記

景定四年
湖未見

陶熾撰
文載蕪湖縣志
在蕪

記畧云元興三年省陽穀入蕪湖皇朝開寶八年
以蕪湖隸宣州太平興國二年改隸太平州宣之

鳳林有里曰穀池三江之會爲盜賊出沒之所防
稍懈則闔境不安枕紹興間戚方叛大肆攻剽將
窺蕪湖抵穀池諜知有備而去事聞上遂令穀池
民丁自任防守悉免政公私兩便後守趙崇燬時
有緣前札請者輒付犴狴雖有制劄勿顧也陶夢
通等合訴上臺侍御沈公炎牒郡照劄行例得不
廢今年夏築寨調夫祈免於縣則承吏亡逃莫可
致詰夢通等出元執臺由得循例判免給據以爲
稽驗乃合臺由縣據並勒堅珉景定四年中秋

宋尼山百花頭上亭記

景定五年

盧鉞撰

在當塗佚文載太平府志

記畧云當塗襟江帶淮表裏多奇勝青山蛾眉黃山白紵其著者也尼山則城東五六里未之前聞其麓古梅數十株幾數百年鴻軒鄭公以龍圖直卿來兼麾節物色得之買山築亭而臨其上爰以百花頭上名亭請紀其實景定甲子五月

宋孟公碑

咸淳八年

在當塗

未見

咸淳八年大水轉運判官孟知縉投身捍水水爲之却今邊湖東埂有孟公碑

當塗縣志

元祭張飛卿文

至元十四年

何瑋撰

在當塗

右何瑋文序云至元甲戌歲王師濟江由金陵趣

餘杭千戶計議中書省事秦中張公羽字飛卿者
志士也憐無辜之人困於烽鏑將先見其國君爲
陳禍福慨然請行道經平江遇害丁丑三月與西
京李才卿南宮張孝先來登蛾眉亭撫江山之絕
景懷張公之高節乃剖羊醢酒招魂而祭之碑末
題昭勇大將軍戶部尙書行淮東淮西都轉運使
司何而不名予攷元史何瑋傳至元十一年伯顏
受命代宋辟瑋爲帳前都鎮撫授武德將軍管軍
總管宋旣平進懷遠大將軍太平路軍民達魯花
赤俄陞昭勇大將軍行戶部尙書兩淮都轉運與

此碑結銜正合則祭文爲璋撰無疑碑立於采石之娥眉亭其時已遷轉運尙在太平也張孝先者當塗縣尹李才卿則未知其任何職矣飛卿使宋遇害史不立傳僅於世祖記伯顏傳兩見其名讀此碑乃知爲秦中人又知其字石刻之有益於史學如此

潛研堂金石文跋尾續

按竹汀先生所引是此碑之序其下尙有祭文而結之曰祭已乃重書而刻諸石使傳者有考焉詎當塗志絕不一考亦不載有是碑僅於志末脩遺漫書數語云飛卿元健將鎮采石爲宋

所殺憑空結撰亦辜負作者之意矣甲戌是至
元十一年宋度宗咸淳之十年也其時尙在臨
安序所謂由金陵趣餘杭又曰將先見其國君
者是也至丁丑則元兵已入臨安而端宗尙立
於福州其時爲宋景炎二年亦未亡也序云宋
旣平指臨安已破而言耳

趙紹祖識

元張侯德政碑

無年月

謝啓東撰

在蕪湖

佚

張侯名禎字善夫至元十七年尹蕪湖時大兵東
征市民操舟冒雨渡淮禎奮不顧身往請得其民
而還又寬夜禁以便民立房正以代役園扉草綠

德化大孚民立碑頌德教諭謝啓東撰記

蕪湖縣志

元當塗土神王公廟記

至元二十年
在當塗

未見 張桂登撰
文載當塗

縣志

記畧云湖熟門清德菴有王公二十一叔聖賢廟
土神也里人唐應時捐已帑營繕謁余爲記渠聞
之父老云建郡之始猶未定所嚮神以當塗蕪湖
二土枰酌輕重重者爲郡次者爲縣於是址定理
或有是至元二十年七月記

清德巷今易名秦陸巷余嘗至是廟訪碑之存

否門局不得入

趙紹祖識

元蕪湖縣新學記

至元二十三年
蕪湖未見

陳萬里撰 在

陳萬里撰并行書至元二十三年七月

寰宇訪碑錄

按蕪湖志云至元二十二年縣尹臧源訓導李

子章重修陳萬里記而未載其文或其佚已久

然訪碑錄云并行書似曾見其拓本也

趙紹祖識

元孝蓮坊記

無年月
楊德案撰
文載當塗縣志

在當塗

佚

記畧云孝感坊爲慵庵張燧立也燧東平人至元

辛巳以治中別駕來涖姑孰迎養太夫人秩滿買

居城之東南隅鑿池種蓮築亭其上所以樂太夫

人之志也如是者十年甲午七月太夫人仙去倚

廬讀禮未期鬢髮盡白池有紅蓮乙未夏盡開白花見者驚歎歌詠盈軸白華孝子之潔白也所以彰燧之孝也郡守董章書孝感坊以表其間德案爲之記

按坊名孝蓮文云孝感疑後人誤以感爲蓮也當塗志孝義張燧有傳云大德五年旌表則文中甲午前至元之三十一一年也其乙未則成宗之元貞元年也

趙紹祖識

元文昌宮記

大德三年

孫炳文撰

在當塗

佚

文昌宮在城東南隅宋咸淳間州守江萬里創立

貢院於此邑人關應庚助工以餘材建文昌宮於

其左元大德三年重修孫炳文記

當塗縣志

元玩鞭亭詩碑

大德十年

盧摯撰

在蕪湖

存

盧摯撰行書大德十年十二月在蕪湖

寰宇訪碑錄

元翰林盧摯玩鞭亭詩碑在學宮戟門東壁

蕪湖縣志

元丹陽書院養士記

無年月佚

文載吳文正集

在當塗

記畧云黃池鎮有書院舊矣自宋景定甲子進士

劉君肇建郡守朱公以聞于朝錫丹陽書院名額

撥僧寺沒官田二頃給其食後僧復取之而書院

遂無以養士至大戊申憲使盧公議割天門書院

之有餘以補不足會去不果人匠提舉陳侯分司
黃池慨然興懷檄儒司上之省竟如初議俾天門
歸田於丹陽凡四百畝又勸好義者各出以助凡
二百畝盧公勉勵學校固其職也陳侯典治絲設
色之工而用心出於職分之外唐風曰職思其居
職思其外夫居者其分也外者其餘也唐風思之
遠者也陳侯之思可謂遠也已侯名童單州人

元太白樓詞碑

無年月見

薩天錫撰

在當塗

未

在太白祠內

當塗縣志

元采石磯蛾眉亭記

皇慶二年塗未見

王文龍撰

在當

王文龍撰并正書皇慶二年八月寰宇訪碑錄

元觀音院記

無年月

虞集撰

在蕪湖

佚

文

記畧云在蕪湖之魯港市桑門道圓所創圓卒道
興道全繼之而成實里人張茲善輸財倡之也

元重修蛾眉亭記

延祐六年

吳澄撰

在當塗

記畧云采石有磯曰牛渚其上有亭曰蛾眉宋元

祐張守瓊之所創也延祐五年秋余舟過之而慨

其將敝明年夏留金陵姑孰郡侯命客持書抵余

曰蛾眉亭肇謀於歲初訖功於春杪敢徵一言惟

侯仕江西綽有令譽其牧郡也廉正如江西時郡

事治而心思靡所不周一亭之微可以觀政侯名
鐵柱亞中大夫太平路總管翰林學士承旨司徒
公之子也五月丙辰記

元姚氏墓誌銘

無年月 吳澄撰
文載吳文正集

在當塗 佚

誌畧云氏名元靖贈將仕郎教授李叙妻處子時
值兵渡江取兄文房中小刀置衣間母問故曰城
破以此自裁子歸後與叙相敬如賓其兄和中以
文學馳聲江左獨敬禮妹謂有父存耕風教子習
翼少怠卽不語不食夜讀必持敝衣在旁補綴夜
半方止故二子皆存名儒云

元姚和中墓誌銘

無年月

宋濂撰

在當塗

佚

元浦侯去思碑記

天歷二年
佚文載

汪澤民撰
蕪湖縣志

在蕪湖

記畧云蕪湖當南北之衝宰邑者不易泰定丙寅秋浦侯實來逮天歷己巳將滿秩邑秀民耆老謁予曰昔之良吏遠矣比所目覩莫吾浦侯若也侯名源字以淵吳郡人由翰林編修官爲太常寺丞轉浙省照磨來尹茲邑苟不勒石懼無以彰侯績云

元采石書院記

天歷間

在當塗

未見

正書天歷

闕

年青浦王氏有拓本

寰宇訪碑錄

按當塗縣志言采石書院至元十四年江東道
宣慰使張獻武創建泰定五年郡守賈煥重建
待制周仁榮記至正三年江東廉訪司崔敬增
修置田當塗縣尹張兌記而獨無天厯時修造
作記之名然孫淵如觀察親見拓本則其碑亡
當不久而淵如又言之不詳一名之傳亦有幸
有不幸也又泰定五年二月卽改元爲致和元
年似泰定五年不得有重建記亦疑志誤

趙紹祖識

元寶林井石闌刻字

至順間

在當塗

未見

寶林井在縣三十里利濟橋北石闌刻至順年寶

林院僧鑒又稱王村井

當塗縣志

元天門書院記

後至元三年未見

李習撰

在當塗

在當塗縣西南三十里大信鎮宋淳祐六年州守陳壇建九年知州吳淵奏請理宗親書院額頒賜後馬光祖牟子才江萬里修葺子才自有記元廢後至元三年達魯花赤宏吉刺素埜溥花新之邑人李習記

當塗縣志

元觀瀾亭記

後至元四年

王理撰

在當塗

存

元蛾眉亭觀瀾亭記王理撰陳肅正書後至元四

年正月

寰宇訪碑錄

碑今在采石蛾眉亭道光壬辰余命工拓以來完好無闕按碑云蛾眉之左北山頗卑而正平夷曠閑遠無蘂薄林木之翳江溪之會水勢合激齋淪漪連磯躍驚濤終日有聲梁博之山視遠而益近則蛾眉不得專而有也昔之好事者蓋嘗爲亭其山題之曰江山好處亭廢而未復者有年矣今監府宏吉刺君始復之易其名曰觀瀾蛾眉以山勝觀瀾以水勝則賞物者有深喻焉監府君名埜素溥華字清卿自兵部尙書簽樞密院事優秩于此御史大夫薊國公監君

之伯父後云至正四年戊寅正月奉議大夫簽
江東廉訪事王理記將仕佐郎太平路在城務
大使陳肅書并篆蓋王理之下陳肅之上官太
平者皆在不盡錄詳玩文意知觀瀾自另一亭
後人因亭廢而移碑於蛾眉耳不得云蛾眉亭
觀瀾亭記也訪碑錄既不詳而當塗縣志不載
余故畧詳之懼後人不復知有是碑也

趙紹祖識

元蛾眉亭李洞月夜過采石江詩碑

後至元六年
李洞撰

在當

塗存

皇慶壬子作草書元統二年刻後有至元六年黃

次思跋

寰宇訪碑錄

按碑詩係七古詩前題云月夜過采石江詩呈
樵隱學士兄兼示吾徒李止順文同官一笈詩
後書云王屋山人李洞漑之頓首載拜時皇慶
壬子作元統甲戌書于天門相向間也皆草書
後有正書跋云大元後至元六年庚辰秋監察
御史必申達而樵隱持風紀之綸音誕布海北
諸道驛經采石適監察御史也兜吉尼奉先尹
公孝思幕掾鄧崑可山何崇禮世文按部江東
相與邂逅同登斯亭樵隱公因舉向時漑之學

士李公所寄夜過采江詩詞氣飄逸有謫仙之
風噫漑之已仙矣今以其門生李止順文模本
乃與當道好事共議刻諸石是歲九月旣望太
平路儒學教授臨川黃次思識訪碑錄誤書時
爲刻時而太平府志當塗縣志皆不言有是碑
僅以詩載藝文而已余故爲詳之

趙紹祖識

元市淮河記

至正二年徐抗翁撰

在當塗

未

記畧云有城市則必有河渠流汙瀦清通舟楫漑
田疇濟常用脩不虞河渠之利大矣府治西舊有
市淮河南起姑溪北抵襄城創於宋初慶元後不

復浚治民民侵之其間僅如一帶之隱軫者壅底
勿宣水土鹵鹺民病隘湫延祐七年永嘉陳君昌
來司郡獄因攝當塗縣事建明浚河府從其請就
倚辦焉經始於至正元年八月明年夏五月完南
至天井閘太平閘北至襄城閘啓閉以時不愆于
度餘波溉田數百頃郡人錄其事以求記

元修築陂塘記

至正間

文載當塗縣志

李習撰

在當塗 未見

元普明禪庵記

至正間

文載當塗縣志

歐陽元撰

在當塗 未見

在采石鎮乳山元大德五年無用禪師駐此山苦
無水僧擲錫得泉如乳因名乳山

當塗縣志

元螻磯靈澤夫人廟記

無年月
未見

倪從撰
文載蕪湖縣志
在蕪湖

螻磯在縣西南七里大江濬右有石穴廣一丈深

叵測相傳爲螻所居上有靈澤夫人廟

蕪湖縣志

記畧云螻磯山廟神靈澤夫人孫氏吳大帝妹蜀
先主之配蕪湖縣治一望而近兀然卷石在江之
心有宋賜今廟額封號燬於兵道士謝德仙起廢
始爲正殿設老君天神像置別室位夫人於中

元十女墓記

無年月
戴良撰
文載蕪湖縣志

在蕪湖

未見

記畧云月娥者西域人軍職馬六丁女蕪湖葛通
用妻葛之冢婦盧掌內政以諸婦諸女屬之皆秩

然有禮號爲德門南北兵起盧謂郡有城郭可依
屬月娥率諸婦女至郡僦儒士張綱中屋以居汚
寇奄至城失守月娥抱其女赴水死諸婦女及婢
媵凡九人爭從入水無敢後者事定綱中物色得
其屍大暑已七日顏貌如生所抱女猶凜不可奪
餘亦相挽水中父老憐而語曰同死不可異葬遂
擇故居南黃池里開大壙瘞之題曰十女墓弟鶴
年樹碑墓下以告來者